

num, gnaros iuxta atq; ignaros liberalium disciplinarū: haud dubie literarum altiorum maiestatem Principes, proceres, primarij uiri tanto exemplo edocti, mox conseruare certatim instituerent: ut quidem nostratium hominum sensum nunc affectum esse uideo inde iam ex quo nostri Legati reuerterunt: neminem enim iam nostrum non pudet, & miseret propriae ignorantiae. Tua autem Richarde doctissime oratio, aliorumq; amplissimis in conuentibus habitae, eousq; celebrantur, opiparus ut ille ac prænitus apparatus transigendis in rebus adhibitus, facundia uestra cohonestatus sit admodum, & magnificentior uisus. Qui si paria nos facturos speratis in hac rerum parte instruendarum, uereor ut uobis satisfacere possimus: apud quos disertae industriae suum nunq; constitit operæ precium, insigni ob eam noxam & indignitatem rerum Francicarum obscuritate. Nicolaus Beraldus tibi iam charissimus (ut ex literis tuis intellexi) in aulam cum Præsidi Parisiensi profectus est, uestris suffragijs & commendationibus adiutus egregie: indeq; non dubia spe erectus. Rex iam aduentare dicitur, ut Legatos istinc expectatos excipiat. Vale mi Patee, & mihi Tonstallū, Morū q; meos, Linacrū, aliosq; saluta. Parisijs Nonis Nouemb.

GVLIELMVS BVDAEVS RI  
CHARDO PACEO S.



Tertia iam epistola tua accepta miratus sum diligentiam tuam in hoc genere colendae amicitiae: cui uix adhuc aequabilem in ullo amicorum expertus sum. Utinam iam prospere e febre recreatus sis: ad me enim hanc curam in posterum pertinere par erit, quam prospere uitam agas, q; firma ualetudine corpus habeas: cum in eo animum istum

habeam tantopere beneuolum, ποσὸτω δὴ ἀσπασότερον ὅσω ἀν  
 θαρέτω τζόρτε σαυτὸρ καὶ γενναίω τζορ εἰς εὐλίαν φέρωρ ἐπέδωκας.  
 καὶ μὲν δὴ καὶ ὅταν τοὺς εὐλίαν μὲ τοὺς ἔξωθεν καταλέγωμαι, σὺ  
 ἔν τῶ τοῖς πάνυ πετάχθαι δίκαιον εἶ, καὶ μοι δοκῆς ὄνχ ὅπως τὸ  
 ὄνομα δὲ σὸν αὐτὸ κλήτως σύ γε εἰς κατάλογον πρεγεγραφῶς, ἀλλὰ  
 καὶ τὰ νενομίσμυα λήτρη γῶρ τῆ τε χφρί καὶ τῶ θυμῶ. Itaq; tuo  
 nomine accessionem magnā factam rationibus meis au-  
 tumo: illis quidem sanctioribus, quas in arce Palladis de-  
 ponere, non in aede Saturni institui. Quae igitur tam benig-  
 ne te mihi in amici obsequium indulges, ingentem à me  
 gratiam iniuisti. Sed uide quò iam pedē protuleris. Quid  
 enim futurum est, si te non ex stipulatu, sed de spontanea  
 pollicitatione appellem: quum mihi pulchre cautum sit  
 & teste caduceatore, & literis à te obsignatis: ac ne te cir-  
 cumuentum esse causificari tandem possis: iterum idem  
 promittere, & interuallo longiusculo non dubitasti, quū  
 sic se obstringentibus, si postea officium detrectare cœpe-  
 rint, & irrita pacta facere, repetitæ pollicitationis pudorē  
 rem, & congeminatae obligationis nexum obijcere legū  
 constitutiones permittunt. Proinde cum agnosco & am-  
 plector istum animi cādorem simpliciter se promentis ad  
 obsequium: tum uero ita rationem comitatis tuæ & gene-  
 rosæ humanitatis habebō, ut hæctenus pollicitationē exi-  
 gam, fidemq; tuam onerem: quatenus & hilariter, & non  
 magno negotio defungi possis: ac ne id quidē primo quo-  
 q; tempore, sed quum antiquiora nomina exegero: quæ  
 multa adhuc bona & idonea habeo: & quorum etiam iur-  
 dicitium & disceptationem cōstituere in meo foro possim,  
 si inde controuersia existant. Huiusce autem calēdarij no-  
 minum rationem ita comparatam habeo, ut bene mecum  
 agi putem, si syngraphas domi incolumes asseruem: ut po-  
 te qui in eo sitas facultates meas esse gaudeam, ut nomi-  
 num multorum ac locupletum diem iam cessisse gloriari  
 diu possim

diu possim, nec tamen uenire uelim: nec si etiam uenerit, exigere sine rubore aut mœstitia queam. Audio Legationem amplissimam de negotio & grandi & pacificatorio istuc esse propediem ituram: quam uelim tam auspiciato esse decretam, ut pax inde in ætatem meam tuamq; confirmetur: quo æquiore tecum conditione experiri & agere possim (si res ita cesserit) actione pro amico: qualem tamen nullam nominatim esse proditam à iure ciuili demerari quiuis possit: qui quidem certe cogitet & animaduertat actionem pro socio latissime in Pandectis iuris patere. Verum in ea Legatione Episcopus Parisinus aut primas aut secundas partes obtinebit, ut fama est: qui an hac urbe uiam facturum esset, nondum constabat cum hæc scriberem, & diu iam inter aulicos erat, ubi plurimam partem tēporis agit. Vir est doctus inter paucos, & multarum rerum prudentia præditus, literatorum amplexator & suffragator, & Erasmi tui studiosus: quo cum mihi cognatio magis q̄ uitæ consuetudo intercedit, qui urbem colo. Existimo te eum uel huiusce rei commendatione officiose obseruaturum, præsertim q̄ tibi in munere tuo fungendo (ut conijcio) sæpe cum Legatis uerba facere uel necesse, uel opportunum erit. Vale, & Tonstallo, Linacro, Moro, qui me uerbis tuis uel epistolis salutarunt, centuplicato salutem rependito, Parisijs Calend. August.

GVLIELMVS BVDAEVS THO  
MAE MORO S.



Ar canum Britannicorum abs te mihi obtulit Lupsetus adolescēs utraq; lingua doctus, atq; apud doctos (ut uideo) gratiosus. Quod & si mihi gratum admodum iucundumq; donum fuit, atq; etiam ex euentu amplum